

Sigle: HA1521

Aufbewahrungsort: Staats- und Universitätsbibliothek Hamburg

Signatur: Inc. App. A/106

[AIr,01]¶ Dit is de frage fun=
te Ancelmi des hylligen
bifchopes: vp dat nyge
ghedrucket to Lubeck
Anno.M.D.XXj.

[AIv,01]¶ Hyr heuet fick an funte Ancelmus fra=
ge van demm lydende Iefu Chrifiti
ANcelmus was eyn hillich man.
He hadde dar lange na geftaen
Dat he gerne hadde geweten
Wat vnfe here hadde befeten
Nu möge gy hören wat he dede
He was ftede an finemm bede.
Beyde nacht vnde ock den dach
An fineme wenen dat he lach.

He fprack Maria blöyende rofe
Du lylie vnd tzidelofe.
Godes deerne vnd balzamenfchryn
Laet my hūden werden fchin
Dat du my de rede mochteft fagen
Dat ick dy gherne wolde fragen
Ick wolde nu na deffer ftunt
Hören van dines fuluen munt.
Wat din kint hadde befeten
Dat wolde ick frouwe gerne weten
Vnde wat Iefu vnfemm heren is befcheen
Dat du mit ogen hefft angefeen
Kunde ick frouwe das vorweruen
So wolde ick denne gerne fteruen

[AIr,01]Ancelmus plach des mennich yaer
To deme leften wart fe em openbaer
Dar fe ene an fineme bede vant.

Se fprack to eme altohant
Ancelme fint ick hebbe vornomen
Dorch din beth fo bin ick gekomen
Van demm hemmel hyr to dy.
Nu fegge my wat wult du my
Do Ancelmus dat vornam
Dat Maria to em quam
He wart vorfchreckt do he fe fach
Tohant Maria to em fprack
¶ Ancelme nu en furchte nicht
Laet my de rede fin bericht.
Worvmme hefft du my geladen
Nu fprick my to dy fchal nicht fchaden
Ancelmus vyl nedder vp fine knee.
Em was wol vnde ock wee
Eme was leue vnde ock lede
Vyl beuende fprack he fine rede
¶ O Maria du hemmelfche kōningynne
Ick beghere mit alle minem finne
Dat ick gerne wolde weten
Wat din fzōne hadde befeten.
[AIIv,01] Wo he tho deme dode fy ghekomen
Wente yck warliken hebbe vornomen
Alze em de marter erften ghefchach
Dat du nacht vnde dach
Stede wereft by em bleuen
De euangeliften hebben befchreuen
Malck wat he dar hadde gefeen
Men fe dregen nicht ouereyn
Se hebben gewefen to vnd van
Darvmme weet ick nenen man
De my de waerheyt kan fagen
Van finen yamerliken dagen
De em toquemen al gemeyne
Wen du leue yunkfrowe alleyne.
Darvmme wil ick fragen dy

Eddele yunckfrowe berichte my.

ANcelme du bekõreft my vil fere

Ik wil dy fagen eine mere

De fchaltu oek al wol vorftaen

Vnde lóuen my oek funder waen

Scholde yk dy feggen de grote noet

Darvan min fone leet den doet

Wo ene de yõden vingen vnd tõgen

Vnd fo rechte yamerliken flõgen

[AIIIr,01]Scholde ick dat altomale fpreken

Min herte fcholde my tobreken

Dat ick mit minen oghen anfach

Doch dat ick nicht truren mach

Sint dat god min ynnige troeft

My van funden hefft vorloeft

Nu wil ick dy de warheyt gheen

Allent dat ick hebbe ghefeen

MAria erfte

wyl ick dy

fraghen

Ik bydde dy du

my wylleft fagen.

wo yd erfte quam

to pranghe

Dath dyn fzõne

wart geuangen.

¶ Ancelme hõre

wat ick dy faghe

yd fchach an ei=

nem^m donredage.

Do he myt finen

yũngeren fath

Leefliken dat he dar mit en ath

[AIIIv,01]He ghaff ene fin flefch vnd fin bloet

Dat he fodder vor vnřz goet

He dede noch meer dorch fine gũte

He woefch ene alle ere vôte
Do he ere vôte hadde gedwagen
Begunde he yamerliken to klagen
He fprack ick fegge yw vorwaer.
He fith mit vnſz hyr in der ſchaer
De nu lijflyken mit vnſz eth.

Vnd noch hûten
my vorreth.

We em / he were
darvmm̄e verloren

Vele beth were
he vngeboren

MARIA

do deffe

fware wort

Alle de yûngere*n*

hadden gehort

Slôgen fe oek de

oghen nedder

Edder fpreken fe

dar ychtes wedder

[AIVr,01]¶ Ancelme do fe hōreden deffe rede

Ene was yamerliken lede

De eyne ſach den anderen an

Ioannes was fo fere begaen

Alze eyn dode was he gefchapen

Vp godes broft wart he entflapen

Se repen alle leue here.

Wife vnſz den rechten drōgenere

Laeth vnſz des

wefen bericht.

Ein iewelk fprak

bin ick des nicht.

Peter fprack mei(=)

fter myn

Ick wet wol dat

yck des nycht en
byn
Nummermeer wil
ick dy afftaen
Ik wil my by dy
laten vaen
Ok ſpreke ick deit
des noet.

[AIVv,01]Ick gae mit dy in den doet

MAria wat ſprack vnfe here

Do ſe vortzageden aldus fere

Vnde do he deſſe grote wort

Van funte Peter hadde gehort

He ſprack Peter ick fegge dy

Drye werftu vorfaken my

Eher de hane gyfft finen kraeth

Werftu feggende mit der vart

Dũre fwerende vnde gheen

Du hebbeft my ny mit ogen gefeen.

MAria do ſe deſſe rede dreuen

Wor was Iudas do gebleuen

Iudas de leep althant

Dar he de vōrften der yōden vant

He ſprack wat wille gy my geuen

Ick hebbe nu eyn dinck gedreuen

ick wil yw wifen eynen man

Dar gy lange hebben na geftaen

Minen heren Iefum chrift

Do gheuen ſe em mit groter lift

Dertich penninge in fine hant

He ſprack gy ſcholen ſin bekant

Dat min meyfter Iefus

[AVr,01]Vnde fyn yūnger Iacobus

Sint ſo lyke an eyner bere.

Dat gy kōnen nūmmermere

Ere antlaet vnderſcheyden

Darvmme fchôle gy beyden
Weme ick kuffe vor finen munt
Den fchôle gy to derfuluen ftunt
mit harden dingen taften an
Dat is de recht fchuldige man
Liftigen fchôle gy
ene leyden

Dat he nycht van
yw mōge fcheiden

MAria wor
was din fō(=)
ne bleuen

Do Iudas dith
hadde dreuen

Min fōne ginck
in eynen garden
Dar heet he fine
yūngeren warden

He fprack yk wyl
van yw ghaen

[AVv,01]Vnde beden mynen vader an

Gy fchōlen waken vnde beden

Dat gy an nene bekōringe treden

MAria wat weren de bede

De he finemm hemmelfchen vader dede

¶ Ancelme / eme was fo rechte wee

He fath nedder vp fine knee

Vnde fprack. Vader min god

Ick wil voruullen din gebot

Ick bin bedrouet wente an den doet

Van der yamerliken noet

De my hūden is bereyt

Van der quaden yōdefcheyt

Ick bidde dy leue vader min

Mach dat an diner hūlde fin

Dat my de pine vorgae.

Vnde de marter nicht angae
Iodoch vader wo dat fy
Din wille ſchal ſcheen an my
Ick wil de pine nicht entfleen.
Wat du gebedeft dat ſchal ſcheen
MAria dit hebbe ick wol gehort
Berichte my der rede vort
Alze he leeth van fineme bede
[AVIr,01]He ginck al wedder vp de ftede.
Dar he fine yüngere wüfte
Ere eyn lach vp des anderen borfte
Vnde weren yamerliken gefchapen
Van groteme yamer weren fe entflapen
He ſprack to en mit fineme munde
Wonode dat gy eyne ftunde
Wakeden alzo ick hadde gebeden
Seet Iudas kumpt hergetreden
Eme gheyt nenen flaep an
Mit eynem kuffe tret he my an.
MAria leue yunkfrouwe nu fegge
Wo brochte Iudas dat to weghe
An der ftunde do dat ſchach.
Alze Iudas minen fone fach.
De yöden ftunden by em harde
Se quemen lopen mit der varde.
Recht alze eyn douendich hunt
Iudas kuffede minen fone vor finen munt
He ſprack / God grôte dy myfter min
Min fone ſprack / dat moet fin
Dat du my aldus ſcholdeft vorraden
De yöden quemen herwaden
Mit külen vnde mit ſcharpen ſperen.
[AVIv,01]Min fone ſprak
wen föke gy heren
Se ſpreken Iefuz
den foken wy

He fprak yk bint

do vyllen fe

Twye vp de er=

den dale.

Min fōne fprak

tomm dridden male

Sōke gy my / fo

gripet my an

Vnd latet myne

yūngere gaen

Tohant wart he

anghegrepen.

Vnd yamerliken begunden fe ene to flepen

MAria nu berichte my.

Weren de yūngeren ok alle darby

Edder weren fe van dar geгаen.

¶ Ancelme dar bleeff nicht eyner ftaen

Se lepen wech vnd wōrden vorueert

Men Peter hadde dar eyn fwert

Datfulue toech he darvore

[AVIIr,01]Vnd how eynem yōden aff fin ore

Do min fōne dat anfach

He makede ene funt vnde fprak

To funte Peter deffe rede.

Steck dat fwert in fine ftede

We mit demm fwerde wil kyuen

De moet darvnder doet bliuen.

Meynftu wolde ick my weren

Ick wolde my vele beth dar vthfōren.

Vnd behōuede yck to hūlpe yenniger lūde

Min vader fende my wol behūde

Twelffhundertdufent engelfchaer

De fcholden my helpen openbaer

MAria ftūndeftu by em hart

Do Iefus geuangen wart

¶ Ancelme des fchaltu wefen bericht

Ick en was dar leyder nicht
Ick was finer worden byfter
To funte Iohannes moder miner fuster
Ick was in dat hues geгаen.
Darvmme fo wufte ick dar nicht van
MAria wufteftu dar nicht van
Wo leeth men dy dat vorftaen
Hõre nu yamerlike noet
[AVIIv,01]Wo fachte men my dat entboet
De yũngeren quemmen hergelopen
Schryende weynende vnde ropen
Malck de reep vth fineme munde
Owe der yamerliken ftunde
Dat wy worden ye geboren.
Maria nu is dat alle verloren.
De yõden hebben an deffen ftunden
Din kint gefangen vnde gebunden
Leyder des en weet vnfer neen.
Wor fe mit em hennetheen.
De waerheyt kõne wy dy nicht sagen
Effe fe ene hebben doet geflagen
Se tõghen ene alzo eynen deeff.
Wy weten nicht wor dat he bleeff.
MAria was dy do nicht lede
Alze du hõredest deffe rede
¶ Ancelme dat mõchteftu wol prõuen.
Efft ick my nicht mochte bedõuen.
Min herte wolde my tobreken
Mine munt kunde nicht meer fpreken.
Ick kunde noch hõren edder feen
Nicht wolden my dregen mine been
Vnde do worden oek vullenbracht de wort
[AVIIIr,01]De ick van Symeon hadde gehort
Do ick na deme olden fede.
Min kint brochte to der kerken mede
Vnde ick in de kerken gynck

Simeon min kint entfinck
An sine armen vnde sprack
Maria du leueft noch den dach
Dat van yamer vnde van fmerte
Snyt eyn fwert dorch din herte.
¶ Ancelme dat was do gefcheen
Alze ick den kummer hadde gefeen.
Do quam al to derfuluen ftunt
Eyn fwert an mines herten grunt
MAria wat ledeftu dan.
En woldeftu nicht na em gaen
Alze ick deffe fware wort.
Van den yūngeren hadde gehort
Ick vnde Maria magdalene
Lepen in der ftunt alleyne.
Beth dat wy an de ftede quemen.
Dar wy minen fōne vornemen
MAria berichte my de rede
Was dat an derfuluen ftede
Dar he des auendes hadde gefeten
[AVIIIv,01]Vnd mit finen yūngeren ghegeten.
¶ Ancelme hōre dat fchaltu weten
Eyn de was Annas geheten.
In fin huefz wart he gebracht
Dar bleeff he de lange nacht
Dar frageden fē ene na finer lere
Vnde efft he godes fōne were
He sprack wat is dat gy my fraget.
Ick hebbe dat openbaer gefaget
Nycht hemelyck
weren de wort.
Mennich heft fē
van my gehort
Se wetent wol gy
mōgen fē fragen
Se mōgen yw de

waerheyt fagen.

MAria nw

wil ick dy

fraghen

Wart he van An(=)

nas icht geflagen.

¶ Ancelme des

wes du bericht

[BIr,01]By em ftunt eyn bōze wucht

Vnde sprack / biftu eyn dore

Vnde floech min kint an fin ore.

Schaltu demm biffchoppe fo tofpreken

Ick wil hūten an dy dat wreken.

Min fone fach den yōden an

Efft ick nicht arges gefproken han

Worvmme fleyftu my dan

Maria nu fegge my vordan

Wat warth em

nu meer to leyde

ghedaen

Se deden em gro=

ten vngeuoech

Se nemen einen

fnōden doek

Vnd bñnde<n> em

fine ogen to.

De nacht bet an

den morgen fro

Dat he mith den

ogen nicht en fach.

Vnd geheuen em

mennigen flach

[BIv,01]Wen fe ene hadden geflagen

So fpreken fe / du fchalt vnz fagen

Efft du eyn rechte prophete byft.

Van wemm du geflagen fyft

Deffer fmaheyt der was vele
Se dreuen mit em ere fpele
MAria wereftu dar oek by
Dar fe ene flōgen / dat fegge my.

¶ Hōre my wat ick dy fage
Wo rechte yamerlike klage
Ick was in dat huez gekomen
Do dat de yōden hadden vornomen
Se leten my ftōten vth der dōre
Dar vant ick alleyne vōre
Marien magdalenen
Schryen vnde wenen
Se fprack. O were ick dar ynne
Maria reyne kōningynne
Wy vūnden eyn hol in der dōre.
Tohant lepen wy darvōre
Vnde fegen alle de noet
De men mineme fone boet.

MAria leue kōningynne
Was dar nemant mit em ynne
[BIr,01]Ioannes was daryn gekomen.
Vnde hadde Petrum mit fick genomen.
Do de frouwe Petrum fach
De de dōre to fluten plach
Se fprack / du bift der yūngeren eyn.
Ick hebbe dy wol by em gefeen
Tohant wart he vortzaget
Vnde fprack / ick bin des nicht maget
He gynck by dat vūre ftaen
Tohant quam dar eyn ander gaen
Vnd fprack to em defuluen rede
Peter fprack / ick was dar nicht mede
To demm drūdden male grōtede em eyn
He fwoer he hadde ene ny gefeen
MAria wat dede vnfe here
Do Peter en vorfakede aldus fere.

Do he van Peter dit anfach
Min fone ene tohant anfach.
Der hanenkraet wart gehort
Aldo dachte Peter an de wort
De he van em hadde gehort
Do fe tofamen hadden gegeten.
Dat he finer fcholde vorfaken
Vnde do he dachte vp de mere
[BIIv,01]He wart fchryende alzo fere
Van rouwen leep he vth der dore
Vnd vant my yamerliken darvor
Elendichlick vp der fraten lopen
Schryen wenende vnde ropen
Vnde do my Peter anfach
He wart fchryende vnde fprack.
Owee herteleue frouwe
Den groten yamer den ick fchouwe
Van dyneme le=
uen kynde.
He is der gantzen
werlt to fwynde.
To vullen kan yk
dy nicht fagen.
Wo ene de yoden
hebben geflagen
Do leep peter van
my. Vnder eynen
fteen vnd hode fik
MAria laeth
my verftan
Wat leyt warth
em meer gedaen
[BIIIr,01]Hore wat dar vort gefchach
Des morgens do vpgynck de dach.
Annas <h>adde ene de halue nacht
Te wart vort to Caiphas gebracht.

Alze men ene vp de fraten toech
Wo fere dat ick to em floech
Vnde do ick sin antlaet anfach
Leuede ick ny leyder dach.
Sine hare weren eme vthghetogen
Blödich weren em fine ogen
Sin antlaet was em gewunt
Dat bloet leep ouer finen munt
Sine neze was em toftôt
Sine wangen weren em beblôt.
He was lykerwifz gedaen
Alzo eyn vthfettifch man
Vmme finen halfz ick ene greep
Luder ftemmen dat ick reep.
Owe herteleue fone.
Wor is nun de grote schone
Dar ick my to to frouwen plach
Wen ick din antlaet angefach
Iodute we vnd wapen
Wo yamerliken biftu geschapen
[BIIIv,01]Du bift also eyn deeff vorblint
Owe herteleue kint.
Ach wat yamers ick do dreeff
So men ene treckede alze eyenen deeff.
MAria nu berichte my
Do de yöden aldus van dy
Sulken groten yamer fegen
Wolden fe dat wol vordregen
ANcelme / dat schal dy entfarmen.
Se grepen my by minen armen
Vnde tügen my van mineme fone
Se spreken my so vele to hone
Se schouen my hyr vnd dar
Vnde spreken dat al openbaer
Ick wolde noch so lange prangen
Ick scholde noch fuluen by em hangen

Dat volck quam tofāmende gaen
Recht efft men ene ſcholde han
MAria haddeſtu nicht iennigen troeft
Dat he fick ychtes hadde geloeft
¶ Ancelme / dat ſchaltu weten
Welken troeft ick hadde beſeten
Ick hadde vp ſine wiſe wort.
Wen de yōden hadden gehort.
[BIVr,01]Dat he mit finen wifen reden
Van den yōden ſcholde treden
Vnde do he manck dat volck quam
Stunt he recht alze eyn lam.
Em gynck neen wort vth fineme munde.
Recht effte he nicht ſpreken kunde
MAria nu berichte my
Was yennige hōpen meer by dy
¶ Ancelme du ſchalt ſin bericht.
De hōpene halp my leyder nicht
Ick hopede dat min leue ſone
De ſo kleenlick was vnde ſo ſchone
Vnde ſo rechte wunnichlick.
Sin antlaet was ſo fuuerlick.
Wen ſe dat hadden angefeen
So hadde em nicht quades gefcheen.
Vnde dat ſe fick finer ſcholden entfarmen /
Men do hadden de vnfaligen armen.
Sin benedyede antlaet ſo ſere toſlagen.
Alzo dat yd van yamerliken plagen.
Was vorwandelt alzo ſere
Recht efft he vthfettifch were.
MAria wat ſchult geuen em de yōden /
Darvmme dat ſe ene wolden dōden
[BIVv,01]¶ Ancelme hore
wat ick dy ſaghe
Wo ſe begunden
ere klage.

Se fpreken Cay(=)
phas leue here
Wy bringen hyr
eynen drōgenere.
Van eme fuluen
hōrden wy fpreken
Wo he den tem=
pel wil thobreken
Vnde wen he en
hadde nedderge=
braken
So wolde he ene weddermaken
Bynnen dren dagen alze he was
Do fprack to eme Cayphas
Bift du Chriftus dat fegge my
Min fone fprack / al fede ick dat dy
So wultu my doch nicht lōuen
Men gy fchōlen noch alle prōuen
Dat de hemmel fchal openftaen
Vnde feen mit yuwen ogen an
[BVr,01] So fchōle gy feen des minfchen fone
By fineme vader in deme throne
Sitten to der vōrderen hant.
So fchal yw wefen bekant
Alze Caiphas dit hōrde vnde fach.
He tofneet fin kleyt vnde fprach
Wat behōue wy tūge meer
He is eyn recht drōgenere
Wat wille gy mit em begaen
Se repen alle men
fchal ene an eyn
crūce flaen
Do ick hōrde def(=)
fe rede
My was fo ya=
merliken lede

Dat van yamer
vnde fmerte
Sneet ein fwert
al dôr min herte
¶ Do du dit den(=)
ne hadeft gehort
Wat iamers dede fe
em do vort.

[BVv,01]Tohant do fe dit hadden gedreuen
Vnde Cayphas dat ordel hadde gegeuen
Dat men ene fcholde dôden.
Tohant tōgen ene de yōden.
To Pilatus vor dat richte
Aldar repen dy vyl bozen wichte
Pilatus leue here.

Wy bringen dy eyenen drogenere
Nu hōre wat he hefft gedreuen
He fprack men fchal den cinfz nicht geuen
deme keyzer / dat hefft he gefaget
Leue pylate dat fy dy geklaget

MAria nu wil ick dy fragen
Ick bidde dat du my willeft fagen
Do Iefus vor Pilatus quam
Weren em alle de yōden gram.
Effe was dar yennich mede
De dar recht gaff finen reden.

¶ Ancelme / dat wil ick dy feggen
Wo dar vele yōden deden
Welkeren he mannich fchone teken
Hadde gedaen by eren feken.
He leeth ere lamen gaen
He leeth ere doden vpftaen
[BVIr,01]Vnd ere blinden leeth he feen.
Lōue my dar was erer neen
Se repen alle gemeyne
Beyde groet vnde kleyne

Men ſchal Iefum an eyn cruce flaen.
He hefft vnſz noech to leyde gedaen.
Wo lange ſchal de tuffcher leuen
Dat was de troeft den ſe em geuen
MAria do ene Pilatus ſach
Wat is dat he to em ſprack.
¶ Ancelme / dat wil ick dy fagen
Pylatus begunde em to fragen
Na fineme rike / vnde wol he were
Do ſprack to em vnſze here
Pylate / du ſchalt ſin bericht
Min rike is van deffer erden nicht
Meynftu were min rike hyr
Mine dener ſcholden wol ftriden vor my
Vnde lózen my van diner hant
Pylatus ſprack / ick bin bekant
Vnde proue wol an diner bere
Dat du biſt eyn kōninck vnde eyn here
Min ſone antworde / ick hōre van dy
Du ſprekeſt dat ick eyn kōninck fy
[BVIv,01]Ick bin in deffe werlt gekomen
Vnde hebbe de minſcheyt angenomen.
Dat ick in der waerheyt fy
Pilatus ſprack berichte my
Wat is de waerheyt / do fwech myn ſone.
Vnde hadde ſines mundes ſchone
MAria berichte my de rede.
Worvmme din ſone dat dede
Vnde dat du my woldeſt fagen
Do Pylatus wolde fragen
Dat he em de warheyt nicht wolde fagen
¶ Ancelme dat fy dy gefaget.
He hadde ſo grote rede gefraget
Hadde min ſone ene bericht
So en were he gedōdet nicht
So hadde ene nene noet darto gedreuen

So were oek de minfcheyt verloren bleuen
He wolde dorch des minfchen willen
Gherne fine rede ftilen.

MAria do dit was gefcheen

Segge wat hefftu meer gefeen

Pilatus fprack to den yōden
Worvmme wille gy deffen minfchen dōden.

Nene fchult mōge gy em gheuen.

[BVIIr,01]Darvmme latet ene leuen

Do repen de yōden altomale

Mit eynemm mennichliken grale.

He hefft dat lant al dōrghetogen

Vnde hefft des volkes vele bedrogen

Van Galilea wente her

He is eyn recht drōgener

Do Pylatus dat vornam

Dat he van Galilea quam

To Herodes he ene fande.

De was eyn richter van deme lande.

Se kyueden beth an de tyd

Do wart vorfonet ere fryd.

MAria berichte my de rede

Wat Herodes mit em dede

Alze Herodes ene fach

Do fchach em ny fo leuen dach

He hōrede van eme fagen

Darvmme begunde he em to fragen

Efft he were defulue man

De Lazarum van demm dode leet vpfan

He fragede effte he dat were

Darvmme fin vader ouer mennich yar

Hadde de kinder geflagen doet.

[BVIIv,01]Hōre wat he em boet

He fprack / wult du my eyn teken wyzen

Ick wil dy deger daran prizen

Vnd wil dy helpen van den yōden

Vp dat fe dy nicht laten dôden
Min fone fwech to aller ftunt.
He dede ny vp finen munt.
¶ Do din leue kynt dit hadde vorfwegen
Wolde herodes dat wol *verdregen*. Herodes
fragede do nicht
mere. *Men* he be=
fchimpede *minen*
fone gar fere.
Eyn wit kleet tō(=
gen fe em an.
He fprak fe fchol(=
den wedder gaen
Tho Pilato *eren*
heren. Myt <e>*mm*
wolde he fick ni=
cht beweren.

MAria nu
wolde ick
gerne weten

[BVIIIr,01] Wat he meer hadde befeten
Do he van Herodes quam
vnd he nene fchult an em vornam.

Alze Pilatus ene fâch
Van torne he to den yôden fprak.
Kome gy echter mit deffem*mm* manne
Den ick to Herodes fânde.
Wille gy dat wy ene quit geuen.
Vnde laten ene leuen
Men plecht doch eynen gefangen man
Dorch den paffchen laten gaen
Nu latet em der hochtyd neten.
Vnde latet ene gaen dat wil ick heten.
Se repen *men* fchal ene an eyn crûce flaen
Vnde laten Barrabam gaen
MAria nu laet my vorftaen

Wat hadde Barrabas gedaen

¶ Barrabas hadde mennich yaer

De lude vormordet openbaer.

He was mit eyneme morde begrepen

Darvmme fcholde men ene flepen

vnde van demm liue hebben gedaen.

Den leten fe do <q>uyt gaen

Owe ouer de bözen yöden

[BVIIIv,01] Worvmme wolden fe ene döden.

Vnde den fchuldigen laten gaen

MAria wat wart dar meer begaen

Höre wo dat vort gefchach

Pylatus to den yöden fprack

Sy feen wol dat ick nene fchult.

An em vinde / darvmme hebbet dult

Ick wil ene laten fere flaen

Vnd laten ene wechgaen. Ick nene fchult

an em kan vinden

Tohant leeth he

minen fone binden.

Vmme eyne fule

vnd leeth ene flaen

Darto ghyngen

twe ftarke man

Wen de twe we=

ren möde geflagen

Quemen dar an(=)

der herghetagen

De flögen fo fwa(=)

re flage

Dat van yamer(=)

liker plage

[CIr,01] Van demm höuede beth an de been

Ick nicht heels kunde feen.

Se deden em meer to torne.

Eyne krone makeden fe van dorne

Alze fe ene fere hadden geflagen
De druckeden fe eme vp fine bragen
Pylatus brochte ene manck den yóden.
He fprack / wy willen ene nicht dôden
Ick hebbe em genoch to leyde gedaen.
Men fchal ene han(=
gen / repen fe al.

Dit fint thomale

klegelike wort.

MAria nu

berichthe

my vort

Wo fe dat recht

mit em heelden

Vnd dath ordel

ouer em geuen

¶ancelme mer=
ke dit wol rechte.

Pylatus rep her
fine knechte.

[CIv,01]Se fcholden de ftat al vmmelopen.

Vnd dat volck tohope ropen

Se repen lude gaet hyrher

Vnde nemet yuwes rechtes waer.

Se quemen lopende al gemeyne

Beyde groet vnd kleyne

Se gyngen alle vor dat rechte ftaen

Pylatus fprack nu nemet den man

Se repen alle / men ene hangen fchal.

He hefft vnfz genoch to leyde gedaen

Do Pylatus daz vornam

Dat dat volck lopen quam

Vnde wolden Iefum dôden.

He woefch de hende vnd fprack to den yoden.

Ick wil wezen fines blodes

Vnfchuldych / vnde fines dodes.

Se repen fin bloet fchal ane waen

Vp vnfz vnde vp vnfe kindere gaen

Pylatus dede der yoden willen.

Wente he fe nicht kunde ffillen.

He gaff dat ordel ouer em

He fprack nu flepet ene hen

Nu gy ene willen haen

So latet Barrabas loefz gaen.

[CIIr,01]MAria fegge my wat fe dreuen

Do dat ordel was gegeuen.

¶ He moſte fin cruce fuluen dregen.

Dat was fo groet vnd vnuorwegen

Dat he dat nicht dregen kunde

Se nemen eynen man to derfuluen ftunde

De man help dregen dat cruce vorware.

De kinder wörpen ene mit dreck vnde hare

Etlike frowen weneden fere. Do fprack to en
vnfe here.

Wat gae gy we(=)

nende ouer my

Weneth dar yd

wenendes noet fy

Ouer yuwe kyn(=)

dere des is noet

De my de grote

fmaheyt doet

Tohant tōghen

ene de yoden.

Dar fe ene wol=

den dōden

To caluarie vp

de ftede.

[CIIv,01]Dar fe em den doet andeden

MAria wo wart em gedaen

Alze fe ene wolden an ein cruce flaen

H<ō>re nu yamerlike rede

Wo fe mineme leuen kynde deden
Ick fach mit minen ogen
Wo fe eme fine kledere vthtogen.
Darmede was grote welde
Se dobbelden wol den rock beheelde
Groet yamer was my kunt.
Alze ick to derfuluen ftunt.
ene fo yamerliken naket anfach
Do leuede ick ny fo leyden dach.
Min herte kunde des nicht liden
Ick bant eme vmme fine fiden.
Van minem^m hóuede eynen dock
Dat crúce dat he fuluen droech
Wörpen fe dar nedder
Vnde nemen minen fone wedder
Vnde wörpen ene vp dat crúce dale
Dre neghele hadden fe van ftale
De weren ftump vnd vnbehende
Se flógen twe dôr fine hende
Mit fo groten hamerflegen.
[CIIIr,01]Hóre wat ick dy
nu wil feggen
Alze he by den ar(=)
men was gehangen.
Sine vóte kunden
nicht aflanghen
Vnd kunden nycht
to den hólen reken.
Dar de neghele
fcholden fteken.
Se bünden ein feel
vmme fine bene
Vnd begunden dar
to theende
So fere dat em
de hende reten. Vnd fchalt oek vorwar weten

Emm knakeden alle fine leden
Oek fneterden em fine thenen.
Sine tunge in fineme munde
Do quam an derfuluen ftunde
Symeonis fwert al dôr min herte.
Van der yamerliken fmerte
MAria dit fint fware rede.
Segge my wat men em meer dede

[CIIIv,01]¶ Se richteden vp mit groter noet
Dat crûce was fware vnde groet
Dat fe dat nicht bôren en kunden
Dar moften meer lûde to komen
Alze fe dat hadden vpgericht
Do en kunde ick leyder nicht
Mines fones vôte aflangen
Wente he was to hoech vpgehangen
By demm crûce dat ick ftoet
Vth finen wun=
den quam dath
rode bloet
Langes dat crû(=
ce nedderfleten.
Vnde wolde vp
de erden gheten.
Do dat mine ogen
fegen an.
Dat fin blot dar
nedderran
Tohant was yck
dar bereyt
Vnd leet dat lopen
vp min kleyt
[CIVr,01]vnde leet yd lopen in minen fchoet
Do wôrden mine kleyder roet
De tovôren wit weren gewefen
Wol my fach demm mochte grefen.

So yamerliken was ick belopen
Mit fines hilligen blodes dropen
MAria wat deden fe meer vordan
Alze fe dit al hadden gedaen

¶ Hóre nu yamerlike rede
Wo vele men eme to leyde dede
Twe môrdere weren dar gefangen.
Twiffchen den hadden fe ene gehangen.
Se fpreken ere fnóden rede
He mochte nicht wezen mit frede
Vnd de dar was to der luchteren hant
He fprack to em / biftu gefant
Hyr nedder van demm óuerften throne.
biftu des leuendigen godes fone.
So make dy gefunt vnde vnſz darmede
Do antworde emm vp fine rede
De ander Scheker mit der vart
De to der vórdere hant gehangen wart
Sprack / hefftu nene vaer
Sint dat wy fint openbaer
[CIVv,01]Vp mort gegrepen vnd gefangen
Vnde an deffe galgen gehangen
God móchte dat an vnſz wreken.
Wes wultu de rede fpreken.
Vnfchúldich is he hyrgekomen
Neen quaet is dar van eme vornomen
He fprack / here leue here.
Wen du kumpft in dines vaders ere.
So vorbarme dy ouer my
Min fone fprack / ick fegge dy
Húten ſchaltu al funder pyn.
Mit my in den fróuden fin.
Merket dit kynder yunck vnde olt
De funde is nicht fo mennichfolt
God wil vnſz gerne to gnaden entfaen
Wille wy gantze trouwe han

MAria dit hebbe ick wol gehört

Berichte my de rede vort

¶ Ancelme høre wat fe mit em dreuen.
In den breeff hadde Pilatus gefchreuen
De fchult de eme de yóden geuen
Iefus eyn kóninck der yóden
Darvmme laten fe ene dóden
Alze de yóden dat vornemen
[CVr,01]To Pylato fe haftigen quemen
fe fpreken. Pylate wy bidden dy.
Schriff nicht dat he vnfe kóninck fy
Men fchriff he hebbe gefproken
He were ein kóninck / dat hebben wy wroken
Pylatus fprack id is gebleuen.
Wat ick fchreeff dat is gefchreuen
He leeth ene negelen bouen fin hóuet
Vp dat yd wórde gepróuet
Worvmme dat ene de yóden
So yamerliken leten dóden

MAria berichte my wat fe dreuen

Alze de breeff was gefchreuen.

¶ De yóden gyngen vor em ftaen
Vnd repen ene aldus an. Biftu Christus go=
des fone Vp de erden komen van demm throne
So ftige van demm crúce nedder.
So wylle wy dy lóuen wedder
Alze fe dit hadden gedan. Reep min fone fi=
nen vader an. Dat he en wolde vorgeuen.
Wente fe wúften nicht wat fe deden

MAria nu wolde yk gerne weten.

Worvmme hadde dy din fone vergeten.

Dat he dy nicht to en fprack

[CVv,01]Alze he dy fo yamerliken fach

¶ Ancelme dat fchaltu vorftaen
Emm wart fo vele to leyde gedaen.
He kunde hebben nene ftunde

Dat he my rechte tofpreken kunde
Men do he my fach vor fick ftaen
Vnd ick was fo yamerliken gedaen
Vnde was bedropen mit demm blode.
He fprack my to mit fachtemm mode
Maria leue moder myn
Du fchalt vaft in demm louen fin
Du fchalt nicht werden vortzaget
Wente du wereft eyne reyne maget
Do ick van demm hemmel quam Vnd de minfcheit
van dy nam Van demm hilligen geyste entfangen.
Al bin ick nu hyr gehangen
Ick bin doch fchepper vnde god.
Ick bin van dinemm liue vødet
Min moder biftu vnd ick din fone
Min vader is in demm throne.
Darvmme denke an mine fmerte
Vnde hebbe eyn ftede herte.
Du en fchaft nenen twiuel han
Ick wil dy nicht vorderuen laen
[CVIr,01]MAria fegge my wo dy was
Do he dy fo guden troeft gaff.
Vnde do du dit haddeft gehort
Geueftu em yennige wedderwort
¶ Ancelme høre wat mochte ick fpreken
Min herte wolde my tobreken
Ick fprak here leue fone. Hebbe diner moder fchone
Vnd laet my fteruen mit dy
Min leue kynt denke an my
Vnd laet my doch by dy
Wes wultu my lenger fparen.
Laet my mit dy van hennen varen.
Schal ick fone diner entberen
To weme fchal ick my denne keren.
Min leue fone vorbarme dy
Vnde laet des geneten my

Du hefft mine brüste gefogen
Ick hebbe dy leefliken vpgetogen
Du wereft yo min leytvordriff
Wat fchal ick vele ick arme wyff
My alleyne fo fere quelen.
Wem wultu fone my beuelen
Ancelme / ick dreeff fo yamerlike plage
Vele meer wen ick dy kan fagen.
[CVIv,01] Maria nu fegge wat din fone fprak
Do he dy fo drôuich fach
Des fchaltu berichten my
Weme hadde he beuelen dy
¶ Ancelme / des wes du bericht
He leet my vnbewaret nicht
Nu machftu hōren wo he fprak
Do he Ioannem by fick fach
He fprak leue moder min
Ioannes fchal din fone fin
Ick enkan nicht lenger by dy bliuen
De doet wil my vordriuen
Oek fchaltu nenen twiuel han
Ick wil dy nicht vorderuen laen
Ick late dy nicht vnderwegen
Wente du hefft my vp den armen gedregen
Mine moder biftu vnd ick din fone.
Du fchalt in dem ouerften throne
Sitten to miner vōrderen hant
He fprak Ioannes nu wes bekant
Vnde denke dat ick nenen man
Alzo rechte leeff gewan. Maria fchal dyne
moder fin. Nu nim fe an de hōde din
Wol fchaltu fe my bewaren
[CVIIr,01] Ick moet nu van hennen varen
Men leue Ioannes ftae er by
Rechte alze ick truwe dy
Vnde ghyff er yo guden troeft.

Se fchal drade werden vorloeft
Hyrmede he fick van vnfz wende
Vnde gaff finen reden eynden ende
MAria dit hebbe ick wol vorftaen.
Nu fegge wat wart dar meer dan
¶ Hôre nu eyne yamerlike klage.
yd was by deme middage
De funne vorloefz eren fchin
Do reep de leue fone min
Mit luder ftemmen Hely hely lamazabatani.
Dat is min vader vnde min god
Min leue vader vmme wat.
Hefftu my fo fere vorlaten
Dat was den yôden vordraten
Vnde gyngen alle vor em ftaen.
Se fpreken / he rôpt Helyas an
Nu laet feen wat Helias dôge
Effte he ene vnfz ycht nemen môge
My dôrftet fprack min fone do
Des weren alle de yôden fro.
[CVIIv,01]Dat was en wol
beuallen.
Etick mengeden
fe mit gallen
Vnd rekeden em to
fineme munde
He fprack al to der(=)
fuluen ftunde
Alze he den drank
hadde befocht
Nu ys dath alle
vullenbracht
Do negede he fin
hôuet dale
He fprak vader yk beuele.
Minen geyft in de hende dyn

Darmede voer van hyr de fele fin

MAria weftu dar nicht aff.

Do din fone den geyft vpgaff

Effte he yennich teken dede.

¶ Ancelme hõre dat fchaltu merken.

Dar henck eyn laken in der kerken.

Dat tofpleet vnde vyl dar nedder

Vnde de doden lude quemen wedder.

[CVIIIr,01]De gheftoruen weren ouer mennich yaer

Gyngen in der ftat al openbaer

Vnde de erde beuede / vnde de fteyne

De reten alle gemeyne

MAria nu laet my vorftaen.

Wat leydes wart em meer gedan

¶ Hõre nu yamerlike wort

Wo de yõden deden vort

To Pilatum dat fe treden

Sere dat fe ene beden

Dat he en de doden lude gheue

Dat men de bringen mochte to graue.

Vp dat fe in eyem paffchedage

Nenen yamer anfeghen

Pylatus antworde to eren reden

He ghunde en wol dat fe dat deden

Alze quemen de yõden hertheen

vnd breken den mörden ere been

Men der ridderen quam dar eyn

Geheten Longinus de was blint

Vnde fack min herteleue kint

Mit eynem spere dorch fin herte

Ick sprack mit yamerliker fmerte.

Worvmme dryue gy deffe noet.

[CVIIIv,01]He was doch leyder al doet

Wat is yd dat gy an em wreken

Dat gy em dorch fin herte fteken.

Wille gy em to leyde doen meer.

So langet her yw ſpeer.

Vnde dôdet de moder mit deme kynde.

So hebbe gy gedôdet alle ſin gefinde

¶ Ancelme dit ſchriff in dinen breeff

Dat was de yamer den ick dreeff

MAria dat

hebbe yck

wol gehort

Wult du my be=

richten vort

Wo he fy van dem

crûce genomen

Vnde the graue

gekomen.

¶ Ancelme. hore

dat ſchaltu weten.

Eyn de was Io=

ſeph geheten.

De was eyn got(=)

fruchtich man

[Dir,01]Vnd was to Pilatus gegaen.

He ſprack. Pylate leue here

Ick bidde dy fo rechte fere

Dat wy Iefum grauen môtên. Dat ſine le=

ue moder eren yamer vorgete. Den yamer vnd

herteleyt Is fo groet den ſe begeyt.

Se driff fo klegelike noet

Wert he nicht begrauen ſe ſteruet doet.

Pylato demm wunderde fere. Eft he alreide doet were

He ſprak he ſcolde orlof hauen

Dat he ene mochte begrauen.

Do emm dat orloff was gegeuen

Segge wo ſe er dinck do angrepen

ANcelme dat ſchal dy entfarnen

Iofeph ſteech vp to ſinen armen

Eynen hamer hadde he in ſiner hant

Dar he de neghele mede vthwant
Se weren ftump vnd darto groet.
He toech fe vth mit groter noet.
Vnde do ick dat anfach mit minen ogen.

Dat de negele weren vthgetogen.
Vnde he wolde dar neddergliden
Do greep ick ene vmme fine fiden
Vnd voer em vor finen munt.

[DIv,01]Noch meer wan
to dufent ftunt

Do fine vôte we(=
ren loefz. Wo dra(=
de dat yck de er=
de koefz. Ik lede
en in minen schoet.

Sin lyf was emm
van blode roet
Ick dreeff fo ya=
merlike noet /

Van ruwen moch(=
te ick fteruen doet
Ick fprack herte(=
leue fone

Wor is nu dine grote fchône. Der yck my
to frówende plach. Owe dem mórtlyken dach
Dat ick den fcholde leuen.

Nu moet ick troftes entberen.

MAria nu fcholde yk fin bericht.

Móyeden fick de yüngeren nicht

Ancelme alzo rechte fere. Se hadden noch
la<e>t edder bere. Anxftes weren fe all vul. Van
fruchten weren fe dul. Ioannes quam gelopen.

[DIIr,01]So rechte yamerliken ropen. Vnd vyl em vp
de bruft. Dar he ene va<r>en hadde ghekuft.
He fprak O herteleue here. Owe nu vnde
yummermere. Wo yamerliken biftu gefcapen

To auende do yk wart entflapen Vp dyner
borft do gaf din herte Sôten drank nu gyffe
yd fmerte. Peter dreef fo grote noet. Vnd
reep O here were ick doet. O leue here vor(=)
gyff my. Dat yk hebbe vorfaket dy.

Maria magdalena quam. Vmme finen halfz
fe ene nam. Se fprak Owe leue here. Dyt
vorwinne ick nummermere. Wat fchal yck
nu lenger leuen. We fchal my mine funde
vorgeuen. So du here hefft gedaen. De yun(=)
geren quemen alle gegaen. Se dreuen yamer
vnd klageden fere. Vnd fpreken Owe leue here
Wes fint wy vnderwegen bleuen.

De yôden laten vnfz doch nicht leuen

¶ Ancelme den yamer den fe dreuen
Den vint men nicht halff befchreuen

MAria deffe fware wort
De ick van dy hebbe gehort
En horede ick ne mine dage
Berichte my wes ick dy frage.

[DIIv,01]Haddeftu yenni(=)

ge noet befeten

Do men ene gr<ô>ff

dat wil ick weten

¶ Ancelme dath

fchaltu vorftaen

De grothe noeth

ftôt my an

Do fe ene grauen

wolden. Ik fprack

ick wolde ene be=

holden. Vnd doet

by eme bliuen

Se fcholden my

by em entliuen

Eher he my wôrde genomen.

He were my fo nicht angekomen
Alze Ioannes dat vornam
Vil drade he to my quam
Vnd sprack. Maria ick bidde dy
Dat du willeft fteden my.
To grauende minen heren
Wy mōten finer leyder entberen
Oek weftu dat wol beth wen ick.
[DIIIr,01]Dat he fuluen wolde fick
An deffeme dage laten dōden
Iamerliken van den yōden.
Oek weftu wol dat he wil vpftaen
Vnde wil vnfz nicht vorderuen laen
Hyrvme laet vnfz ene begrauen
Vp dat he vnfz nicht werde genamen
MAria nu laet vnfz wezen bericht
Antwortdestu Ioannes nicht
¶ Ick antworde em vp deffe rede
Vnd sprack / worvmme biftu my to lede.
Ioannes laet de rede bliuen
Vnde laet my minen kummer driuen.
My is doch genoch to leyde gedaen
Du machft my wol tofreden laen
Oek quemen alle de yūngeren her
Vnde beden my fo rechte feer
Alzo dat ick to demm leften orloff gaff
Dat fe ene leden in dat graff.
Vnde do he in demm graue lach
Ik gynk to en vnd sprak. Gy heren latet yw entfarnen.
Vnd grauet my vyl armen
By min kint dat is my noet
Ick fterue doch van ruwen doet
[DIVr,01]Do dit was ouerlanck Se tōgen my an minen danck
Vth demm graue ane were
Do wenede ick fo rechte fere
Se wolterden den fteyn bouen fin lyff

Aldo fprack ick vyl arme wyff.
Latet my ene noch eyns feen. Eer dat de
grote fware fteen / Werde vp min k<in>t gelecht
Anderwerff leep ick echt
Vp dat graff do fach ick finer nicht.
Wente dat was leyder al bericht
MAria nu berichte my
Wo lange bleueftu darby
Dar din fone gegraven wart
Vortôgeftu finer mit der vart
¶ Ancelme høre wat ick do dede
Ick gynck liggen vp de ftede
Dar min fone vnder lach.
Vyl yamerliken dat ick fprach
Gy heren ick bidde yw algemeyne.
Dat gy my laten alleyne
Vp mines kindes graue bliuen
Vnde laten my minen kummer driuen
Ick wil wenen vnde fchryen
Des wil ick nicht vortyen
[DIVv,01]Ick fy denne ge=
ftoruen doet
Do tōgen fe my
mit der noet
So yamerliken in
de ftat
Got wet wol wat
ick befath
Mine kleyder we=
ren van blode roet
Dat dar van demm
crūce floet
Vnde do my dat
volck anfach
Dat meyfte deel
der frowen fprak. O milde god van hemmelrike.

Nu wert fo groet vngelike
Vornomen in deffem lande.
Alzo by deffem yungen manne
Vnde by deffer frouwen is gefcheen.
Newerle wart de kummer gefeen.
¶ Ancelme hõre dat fchaltu weten
Dit hefft min fone vnde ick befeten
Dat fchaltu vyl deger fchriuen.
[D Vr,01] Id fchal alleyne
nicht by dy bliuen
Du fchalt yd allen
lûden fagen
De dy darvme
willen fragen
De mōghen prō=
uen in deffen reden
Wat min fone vnd
yk hebben geleden
Ok fchalt du des
namen weten
Sunte Ancelmus
frage fchal deffe
paffio heten
Hyr hefft de rede eynen ende.
God vnſz finen frede fende AMEN